



UGOVOR BR. 11-05-38-12170-11/16

*o nabavci usluge izrade studije kao osnove za izradu Strategije za mlade u nadležnosti
Ministarstva za obrazovanje, nauku i mlade Kantona Sarajevo*

Zaključen dana 23.05.2016. godine između:

I – UGOVORNE STRANE

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO, koje zastupa i predstavlja **ministar Elvir Kazazović (u daljem tekstu – Naručilac)**

i

INSTITUT ZA RAZVOJ MLADIH KULT koga zastupa i predstavlja **direktor Jasmin Bešić (u daljem tekstu – Isporučilac)**

II – PREDMET UGOVORA

Član 1.

Naručilac naručuje, a Isporučilac preuzima obavezu da za račun Naručioca, a prema uslovima i odredbama ovog Ugovora i na osnovu usaglašene i prihvaćene ponude **br. 15.08.0-R4.1-16 od 26.04. 2016. godine**, izvrši traženu uslugu izrade studije kao osnove za izradu Strategije za mlade u nadležnosti Ministarstva za obrazovanje, nauku i mlade Kantona Sarajevo, za period koji je naveden u predmetnoj ponudi.

Član 2.

Isporučilac se obavezuje da, po nalogu Naručioca, a na osnovu prethodno usaglašene i od strane Naručioca usvojene ponude, traženu uslugu iz člana 1. ovog ugovora izvrši prema prihvaćenim uslovima, a sve u skladu sa odredbama ovog Ugovora.

III – KVALITET I OBIM

Član 3.

Isporučilac se obavezuje da sve ugovorene obaveze izvrši prema važećim propisima, standardima i normativima za ovu vrstu poslova.



Član 4.

Eventualna odstupanja od uslova koji su definisani kroz prihvaćenu ponudu, moraju biti prethodno odobrena od strane Naručioca.

IV – KONTROLA

Član 5.

Stručni nadzor nad realizacijom ovog posla vršit će ovlašteno lice – Nadzorni organ ispred Ministarstva za obrazovanje, nauku i mlade Kantona Sarajevo. Isporučilac je dužan da pismenim putem obavijesti Naručioca o imenu ovlaštenog lica za realizaciju poslova po ovom Ugovoru.

V – GARANCIJA O KVALITETU

Član 6.

Isporučilac daje garanciju na kvalitet i vjerodostojnost isporučene usluge/studije u periodu od 1 (jedne) godine od dana izvršene primopredaje istih.

VI – CIJENA

Član 7.

Cijena usluge iz člana 1. ovog ugovora sa uračunatim PDV-om iznosi **14.278,00 KM**. Ponuda sa ugovorenim jediničnim cijenama i ukupnom cijenom nalaze se u prilogu ovog Ugovora i čine njegov sastavni dio.

Član 8.

Isporučilac nema pravo na promjenu ugovorenih jediničnih cijena, po bilo kom osnovu i u tom smislu jedinične cijene utvrđene prihvaćenom ponudom, smatraju se fiksnim i nepromjenljivim.

VII – NAČIN I USLOVI PLAĆANJA

Član 9.

Cijena ostaje fiksna za vrijeme trajanja ugovora.

Član 10.

Naručilac se obavezuje da će dati nalog za plaćanje usluge iz člana 1. ovog ugovora u roku od **120 dana** po ispostavljanju fakture na račun Isporučioca broj: **1941023279406117** kod **ProCreditBank d.d., Sarajevo**.

Član 11.

Isporučilac zadržava pravo vlasništva nad uslugom sve do potpunog izmirenja računa.



8

VIII – ROKOVI I USLOVI REALIZACIJE POSLOVA

Član 12.

Rok za realizaciju svih ugovorenih poslova po ovom Ugovoru je **90 dana** od dana potpisivanja Ugovora.

Član 13.

Isporučilac poslova je odgovoran za kvalitet i vjerodostojnost usluge koja je predmet Ugovora.

Član 14.

Isporučilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila, a koja nisu u suprotnosti sa važećom zakonskom regulativom.

IX – PENALI I KAZNA

Član 15.

U slučaju da Isporučilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova.

Član 16.

Ugovorena kazna će biti obračunata kroz isplatu ukupne vrijednosti ovog Ugovora.

X – IZMJENA ODREDBI UGOVORA, RASKID UGOVORA

Član 17.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 18.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XI – PRELAZNE I ZAVRŠNE ODREDBE

Član 19.

Sastavni dio ovog Ugovora čine:

1. usaglašena i od strane Naručioca prihvaćena ponuda Isporučioca posla **br. 15.08.0-R4.1-16od 26.04.2016. godine.**
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.



8

Član 20.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 21.

Ovaj ugovor stupa na snagu danom potpisa od strane ugovornih strana.

Član 22.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

Isporučilac

Institut za razvoj mladih KULT
Direktor
Jasmin Bešić



Naručilac

Kanton Sarajevo
Ministarstvo za obrazovanje, nauku i mlade
Ministar
Prof. dr. Elvir Kazazović



0103

00047

24.5.2016

PROTOKOL

Institut za razvoj mladih KULT

te

Broj: 11-05-38-12170-11/16
Sarajevo, 23.05.2016. godine



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

